

8^(a). — Particiaci, qui Baduarii^(b) appellati^(c) sunt, tribuni anteriores fuerunt et ypeti imperiali^(d) honore fruebantur: de Papiavenerunt et sapientes ac benevoli omnes erant^(e), unde factum ut ab omni^(f) Veneticorum^(g) populo laudarentur^(h) perpetualiter ex illorum prole duces⁽ⁱ⁾ esse.

Candiani de Candiana parte venerunt^(k); tribuni ante fuerunt, similiter benivoli omnes, sed protervi in bello et de personis magni.

Maçoyli ab ignorantia^(l) dicti sunt, de Este venerunt; Ystoyoli^(m) appellati sunt; tribuni ante fuerunt et sapientes ac elati nimium.

Barbolani de Parma venerunt; tribuni ante fuerunt et sapientes, cum omnibus gaudentes et locupletes⁽ⁿ⁾.

Cencanici, Centranici appellati sunt, de Cesena venerunt; tribuni ante fuerunt^(o), concupiscentes et sapientes ac potentes.

Benigni^(p), qui appellati sunt Silvi, de Bergamo^(q) venerunt; tribuni ante fuerunt; erant omni bonitate perspicui et argumentosi nimium^(r) et blandi.

Mastalici de Reço venerunt; tribuni ante fuerunt, sed mendaces et stulti et concupiscentes et^(s) ecclesiarum edificatores.

Bagi^(t), qui appellati sunt Benati, tribuni ante fuerunt, sed protervi de voluntate ac sapientes, et ecclesias edificaverunt.

Mauroceni de Mantua venerunt; tribuni ante fuerunt, sed protervi de voluntate et bellatores fortes^(u).

Grausoni de Garda venerunt; tribuni ante fuerunt, sapientes naturaliter, placentes omnibus et dilecti ab omnibus.

Gardocus Gardolicus de veteri Aquilegia venerunt; tribuni ante fuerunt^(v) et argumentosi nimium, sed Veneticus populus exortatione istorum Gradensem civitatem^(x) edificavit, et a nomine istorum civitas illa Gradus^(y) vocatur.

(a) *D fa precedere la didascalia*: Nomina tribunorum et civium Venetiquorum, qui exierunt de nova Civitate et Exulo (b) *S* Badoarii (c) *V* apel. e così di seguito. (d) *V* imperialis (e) *V* erunt (f) *D* oni (g) *D V* Venetiquorum (h) *V* laudaretur *D* lauderetur (i) *D* illo pile ducos (k) *D* venerunt parte (l) *D* ignorantia (m) *S* Istoyli (n) *S* locuplectis *V* locuplentes (o) *D* om. de - fuer. (p) *S* Beligni (q) *V* Bergamum (r) *S* nimis (s) *S* ac (t) *S* Magi (u) *S* in bello fortes (v) *S* om. sapientes - fuerunt (x) *V* civitatis (y) *D* Gradum